

Na osnovu članova 45. i 46. Zakona o šumama („Službene novine Zeničko-dobojskog kantona“, broj: 8/13, 1/15 i 5/21) i člana 45. stav (1), tačka e) Poslovnika o radu Vlade Zeničko-dobojskog kantona („Službene novine Zeničko-dobojskog kantona“, broj: 10/21), na prijedlog Ministarstva za poljoprivredu, šumarstvo i vodoprivredu, Vlada Zeničko-dobojskog kantona, na 120. sjednici, održanoj dana 09.09.2021. godine, d o n o s i

P R A V I L N I K

o izmjenama Pravilnika o uslovima i načinu davanja šumskog zemljišta u državnom vlasništvu u zakup i uspostavi prava služnosti

Član 1. **(Izmjene člana 6.)**

U Pravilniku o uslovima i načinu davanja šumskog zemljišta u državnom vlasništvu u zakup i uspostavi prava služnosti („Službene novine Zeničko-dobojskog kantona“, broj: 3/14), (u daljem tekstu: Pravilnik), član 6. mijenja se i glasi:

„(Podnošenje zahtjeva za davanje šumskog zemljišta u zakup i uspostavu prava služnosti)

- (1) Osoba zainteresovana za davanje šumskog zemljišta u zakup iz člana 2. tačka a) i b) ovog Pravilnika i uspostavu prava služnosti podnosi zahtjev Ministarstvu.
- (2) Uz zahtjev za davanje šumskog zemljišta u zakup i uspostavu prava služnosti podnosi se sljedeća dokumentacija:
 - a) zemljišnoknjižni izvadak, posjedovni list, kopija katastarskog plana i identifikacija parcela, za šumsko zemljište na koje se odnosi zahtjev (original ili ovjerena kopija ne starija od 6 mjeseci);
 - b) mišljenje korisnika šuma u pogledu smetnje gospodarenju državnim šumama (ovjerena kopija);
 - c) urbanistička saglasnost (ovjerena kopija);
 - d) ostala dokumentacija na osnovu koje se može utvrditi dio parcele koja se traži u zakup i za koju se traži uspostava prava služnosti-površina šumskog zemljišta koje se opterećuje (idejni projekt i sl.) (ovjerena kopija).“

Član 2. **(Izmjena člana 9.)**

U članu 9. stav (1) riječi, „dipl. pravnik“ se brišu.

Član 3. **(Stupanje na snagu)**

Ovaj Pravilnik stupa na snagu narednog dana od dana objavljivanja u „Službenim novinama Zeničko-dobojskog kantona“.

Broj: 02-22-12199/21
Datum, 09.09.2021. godine
Zenica

PREMIJER

Mirnes Bašić

DOSTAVLJENO:

1x Ministarstvo za poljoprivredu, šumarstvo i vodoprivredu,
1x „Službene novine Zeničko-dobojskog kantona“,
1x a/a.